

সারাদেশ

সমাজসেবায় প্রশংসিত কুষ্টিয়ার তরুণ পলাশ কুমার দাস

প্রতিবেদক: কুষ্টিয়া প্রতিনিধি

প্রকাশের তারিখ: রোববার, ৩০ আগস্ট ২০২৬, ০৫:২৩ PM



কুষ্টিয়ার মিরপুর উপজেলার চিথলিয়া গ্রামের তরুণ সমাজকর্মী পলাশ কুমার দাস নীরবে-নিভূতে বিভিন্ন সামাজিক ও মানবিক কর্মকাণ্ড পরিচালনা করে স্থানীয়দের প্রশংসা অর্জন করেছেন। তিনি দেবেন চন্দ্র দাসের ছেলে।

ছাত্রজীবন থেকেই সমাজসেবামূলক বিভিন্ন কার্যক্রমের সঙ্গে সম্পৃক্ত পলাশ কুমার দাস পরিবেশ সংরক্ষণে নিয়মিত বৃক্ষরোপণ কর্মসূচিতে অংশ নেন এবং সাধারণ মানুষকে বৃক্ষরোপণে উদ্বুদ্ধ করেন। পাশাপাশি স্বেচ্ছায় রক্তদান এবং জরুরি প্রয়োজনে রক্তদাতা সংগ্রহের মাধ্যমে অসহায় রোগীদের পাশে দাঁড়ানোর কাজও করে আসছেন।

এ ছাড়া বাল্যবিয়ে প্রতিরোধে সচেতনতামূলক কার্যক্রম পরিচালনা, অভিভাবক ও শিক্ষার্থীদের উদ্বুদ্ধকরণ এবং জলবায়ু পরিবর্তনের বিরূপ প্রভাব সম্পর্কে জনসচেতনতা তৈরিতেও সক্রিয় ভূমিকা রাখছেন তিনি। পরিবেশ সংরক্ষণ ও টেকসই ভবিষ্যৎ গড়ে তুলতে বিভিন্ন সামাজিক উদ্যোগে তাঁর অংশগ্রহণ স্থানীয়দের দৃষ্টি কেড়েছে।

স্থানীয় বাসিন্দাদের ভাষ্য, ব্যক্তিগত স্বার্থের উর্ধ্বে উঠে দীর্ঘদিন ধরে সামাজিক দায়বদ্ধতা থেকে জনকল্যাণমূলক নানা কর্মকাণ্ডে নিজেকে নিয়োজিত রেখেছেন পলাশ কুমার দাস। তাঁর উদ্যোগে এলাকার অনেক তরুণও স্বেচ্ছাসেবী কর্মকাণ্ডে যুক্ত হতে উৎসাহিত হচ্ছেন।

পলাশ কুমার দাস বলেন, "সমাজ ও মানুষের জন্য কাজ করার মধ্যেই আমি আত্মতৃপ্তি খুঁজে পাই। ভবিষ্যতেও পরিবেশ সংরক্ষণ, মানবিক সহায়তা এবং সামাজিক সচেতনতা বৃদ্ধিতে কাজ করে যেতে চাই।"

এ বিভাগের আরও খবর



পদ্মায় নিখোঁজ ছাত্রদল নেতা রকির মরদেহ উদ্ধার
কুষ্টিয়ার ভেড়ামারায় পদ্মা নদীতে নৌকা ভ্রমণে গিয়ে হার্ডিঞ্জ রিজের পিলারের সঙ্গে ধাক্কা লেগে নিখোঁজ বিনাইদহের শৈলকুপার পৌর ছাত্রদলের সদস্য...



আতগঞ্জে রুমিন ফারহানাকে অবাস্তিত ঘোষণা, বিএনপির ঝাড়ু মিছিল
জাতীয় সংসদে বিএনপির সমালোচনা করে দেওয়া বক্তব্যের প্রতিবাদে ব্রাহ্মণবাড়িয়ার আতগঞ্জে ব্রাহ্মণবাড়িয়া-২ আসনের স্বতন্ত্র সংসদ সদস্য ব্যারিস্টার...



সাতক্ষীরায় সড়ক দুর্ঘটনায় পথচারীর মৃত্যু
সাতক্ষীরায় যাত্রীবাহী বাসের ধাক্কায় আব্দুল মাজেদ (৬০) নামে এক পথচারী নিহত হয়েছেন। আজ রোববার সকাল সাড়ে ১০টার দিকে সাতক্ষীরা-খুলনা মহাসড়কে...



ব্রাহ্মণবাড়িয়ায় কনসার্ট ইস্যুতে সমঝোতা, মানতে হবে যে শর্ত
ব্রাহ্মণবাড়িয়া সরকারি কলেজের নবীনবরণ উপলক্ষে কনসার্ট আয়োজনকে কেন্দ্র করে সৃষ্ট বিরোধের অবসান হয়েছে। শনিবার (১৩ সেপ্টেম্বর) সন্ধ্যায় ব্রাহ্মণ...

Copyright Dhaka Probe

অনলাইন সংস্করণ পড়তে ভিজিট করুন: <https://www.dhakaprobe.com/saradesh/smajsebay-prshngsit-kushtiyar-trun-plash-kumar-das>